

24

D. D.

DISSERTATIO GRADUALIS,

De

OBSERVATIONIBUS D'ALEMBERTI

In

DISQUISITIONEM
NEWTONIANÆ LEGIS REFRACTIONIS
KLINGENSTJER NIANAM.

QUAM

Conf. Ampliss. Facult. Philos. in Reg. Acad. Aboënsi;

PRÆSIDE

M^{AG.} ANDREA
PLANMAN,

Phys. Natur. PROFESSORE Reg. & Ord. Nec non Reg.
Acad. Scient. Stockholm. MEMBRO.

Publico examini submittit

ABRAHAMUS NIC. CLEWBERG,

Tavastensis.

In AUDITORIO MAJORI Die XVIII. Julii MDCCLXXII.

Tempore a. m. solito.

ABOÆ

Typis JOHANNIS CHRISTOPHORI FRENCKELL.

Enke Professorskan
HÖGÅDLA FRUN
Fru **CHARLOTTA AGATHA**
CLEWBERG
Född **FAHLENIA,**
MIN HULDASTE MODER!

Den ömhet, hvarmed J, Min Huldaste Moder ensam haft omsorg för min upfostran, sedan den Högste i mina spåda år behagat hädankalla Min Käre Fader, har tilskyndat mig större fördelar, än jag någonsin hinner aftjena. Igenom Eder försorg och omkostnad har mig intet tillfälle trutit hvarken til snilletts uppodlande eller hjertats förbättringe. Hvilket jag beständigt skal årkänna med lifligaste vördnad och ödmjukaste tacksamhet. GUD den Högste gjöre Min Huldaste Moders dagar så många och så fornöjliga som jag dem önskar; så får jag länge njuta den oskattbara förmån at med vördnad framhärla

MIN HULDASTE MODERS

Ödmjuke och lydige Son
ABRAH. N. CLEWBERG.



HYMNE ADRONI

§. I.

Postquam magnus ille NEWTONUS emendationem tuborum Dioptricorum desperandam censuerat, idque in primis ob radiorum luminis heterogeneorum diversam refrangibilitatem, quæ efficit, ut radii dispergantur imaginesque objectorum coloratae exhibeantur; nisi, ad mentem NEWTONI radii emergentes per contrarias refractiones cum incidentibus facti fuerint paralleli; quo ipso Tubi sua amplificandi potentia privarentur: nemo, quantum constat, de emendandis his tubis cogitavit ante insignem nostri ævi Mathematicum LEONHARDUM EULERUM, qui in *Miscellaneis Berolin.* Anni 1747, assumta nova quadam lege refractionis radiorum heterogeneorum, vitra objectiva ex duobus meniscis, quorum spatium intermedium aqua occuparet, componenda proposuit, ut aberratio radiorum, oriunda ex eorundem diversa refrangibilitate, tolleretur. At quia tubi ad modum ab EULERO

præscriptum conformati, successu optato caruerunt; Clarissimus Londinenium Opticus DOLLONDUS, hinc arripuit occasionem impugnandi legem refractionis EULERIANAM; in primis cum legi Newtonianæ minime congruebat. Quapropter res EULERUM inter atque DOLLONDUM in controversiam adducebatur, quæ forsitan diu indecisa mansisset, nisi Illustrissimus KLINGENSTJERNA, sub examen revocato experimento Newtoniano, cum eidem innixa lege refractionis radiorum heterogeneorum, DOLLONDO dedisset antam ab integro instituendi experimenta, quæ legem neque Newtonianam neque Eulerianam cum natura rei consistere evicerunt. Et quamvis examen hoc Klingensjernianum ad rigorem Geometricum exactum omnino fuerit; nihilominus tamen Celeberrimus D' ALEMBERT istud subinde conatus est infringere; at quo jure & quo successu, id ex sequentibus patescat.

§. II.

Lex autem Newtoniana, ejus mentionem in rubro & in §. I. fecimus, ita se habet: Excessus sanguinis variorum generum radiorum super communem suam incidentiae, cum refractions fiant e pluribus diversis mediis densioribus, immediate in unum idemque medium rarius, puta aerem tenuissimum; sunt inter se in data proportione. Atque hoc theorema NEWTONUS deduxit ab experimento sic descripto: Observavi præterea cum lumen ex aere, per diversa media

dia refringentia inter se contigua ut aquam & vitrum transmittatur, indeque iterum in aërem transeat; id lumen, sive superficies, quibus refringatur, parallelæ sint inter se, sive inclinatæ, tamen quotiescumque contrariis refractionibus ita correctum sit, ut emergat tandem in lineis parallelis ad eas, in quibus inciderit, deinceps semper alium permanere: si radii tandem emergentes sint incidentibus inclinati; tum luminis emergentis albitudinem pro eo ut id a loco emersionis ulterius progrediatur, paulatim se ab extremis sui partibus in colores induere. Hoc expertus sum satis accurate, refringendo inntru per prismata vitrea in vase prismatico aquæ pleno collocata. (Opt. Libr. I. Pars II. Prop. III. Exper. VIII.

Num vero ab experimento hocce Theorema allatum deduci possit, numque isthoc experimentum sibi constare possit, Acutissimus D:rus KLINGEN-STJERNA; in *Actis Reg. Acad. Scient. Stockh.* Anni 1754. p. 297. seqq. disquisivit, ut sequitur. Sit BFG (Fig. I.) sectio prismatis vitrei, a partibus FB, FC, mediis L & W diversarum virium refringentium circumdati; atque transeat radius homogeneus ABCD per media hæc refringentia, ita ut pars ipsius emergens CD sit parallela incidenti AB. Per puncta B & C ducantur rectœ $a\alpha$, $b\beta$, perpendiculares ad latera prismatis FB, FC; atque statuatur sin $AB\alpha : \sin BC\beta : : r : i$; nec non $\sin BC\beta : \sin CD\gamma : : p : r$. Hisce positis, ex dato prismatis angulo refringente BFC, sequentem in modum determinatur angulus incidentiæ $AB\alpha$: scilicet secentur in li-

nea quacunque TP (Fig. II.) partes TM, TI, TG, quantitatibus r , p , i , respective proportionales, & supra GI describatur segmentum circuli IHG, continens angulum æqualem angulo prismatis BFC. Ex centro Tradio TM descripto circulo MH secante priorem in H; ductisque rectis TH, GH, IH; erit radius emergens incidenti parallelus, si fuerit angulus incidentiae AB α æqualis angulo PGH. Nam ob sin AB α : sin α BC : : r : i ; & sin PGH : sin GHT :: TH : TG : : r : i ; erit ang α BC = ang GHT, quoties fuerit ang AB α = ang PGH; quare BC b (= CB α + BFC = GHT + GHI) = THI. Cumque sin BC b : sin DC β : : p : r :: TI : TH :: sin THI : sin PIH; habebitur etiam DC β = PIH. At quoniam PGH = PIH - GHI; erit quoque AB α = DC β - BFC; id quod ad parallelismum radiorum incidentis AB & emergentis CD requiritur. (*)

§. III.

Hinc jam facile eruitur lex refractionis pro radiis heterogeneis, cum singuli emergentes fuerint paralleli communi radio incidenti AB; in quem finem supponatur radius AB compositus ex binis heterogeneis,
atque

(*) Nam AB producta fecet rectam FC in O (Fig. I.); erit BOS = BFC + FBO = BFC + FB α + AB α ; atque AO & CD parallelas (per hyp.) habetur BOS = FCD; quare FCD = DC β + FC β = BFC + FB α + AB α ; adeoque ob FC β = FB α ; erit AB α = DC β - BFC.

atque fiat pro quovis horum constructio, modo in §. II.
 præscripto, ita ut recta TM = TH sit ejusdem longitudi-
 nis in utraque constructione, & una alteri imponatur,
 (Fig. III.) ut coincidant rectæ TH; dabuntur pun-
 cta G & g, in uno eodem pue arcu circuli HGgT,
 nec non puncta I, i, in arcu HIiT; quia in utra-
 que constructione patet angulos MIH esse æquales,
 ut & angulos MGH. Si itaque per proportionem
 rectarum TG, TI, TH, exhibeat lex refractio-
 nis radii minus refrangibilis; dabitur lex refractio-
 nis radii magis refrangibilis per proportionem ipsa-
 rum Tg, Ti, TH; dummodo radii emergentes fu-
 erint paralleli radio incidenti. Ad instituendam jam
 comparationem inter hanc atque Newtonianam legem
 refractionis radiorum diverse refrangibilium, descri-
 batur centro T & radio TH arcus circuli HMM,
 cui rectæ TGI & Tgi occurrant in punctis M & m.

Cumque, vi legis Newtonianæ $r - i : r - p :: GM : IM :: gm : im$; adeoque $IM : GI :: m : gi$; Et ob ang. GIH = ang. giH. habetur $GI : IH :: gi : iH$; quare ex quo $IM : IH :: im : iH$; unde foret ang. TMH = ang. TmH, & consequenter puncta M & m essent sita in arcu circuli, cuius chorda foret TH; quod cum constructioni repugnat: sequitur legem refractionis NEWTONI minime posse conciliari cum experimento §. II:o allato. Unde ulterius conclusit Illustrissimus KLINGENSTJERNA, quod si eadem lex in natura daretur, experimento Newtoniano prorsus diversus adscribendus esset effectus, adeo ut, si unus radiorum heterogeneorum inter e-

mergendū foret parallelus radio incidenti, reliqui tamen dissiparentur coloresque exhiberent.

§. IV.

Ut autem experimenti § II. allati falsitas ulteriori argumento constaret, Illustr. KLINGENSTJERNA evicit, pro quovis diverso angulo prismatis refringentis, diversam dari proportionem linearum TM , Tl , TG ; Tm , Ti , Tg ; vel quod eodem reddit: si harum linearum proportio fuerit constans; erit quoque angulus prismatis GHI constans. Nam concipiatur linea Tm cum punctis g & i circumvolvi circa punctum T , quoad Tm cum ipsa TM coincidit; eritque manifestum trianguli gHi verticem H , translatum fuisse in peripheria circuli, cuius centrum est T & radius TM , atque ex figura III. prodiisse figuram IV. in qua triangula GHI & ghi sunt similia & similiter posita supra bases GI & gi , nec non verticibus suis ad peripheriam MHb constituta. Producatur itaque recta, per puncta H & b ducta, donec occurrat ipsi TM in F ; atque erit $gi : GI :: ib : IH :: bF : HF :: iF : IF$, quare datur punctum F , una cum rectangulo bFH , atque erunt rectæ bF , HF , datae magnitudinis. Obque punctum T & circulum MHb datum, dantur puncta H & b . At puncta G , I , & g , i , sunt quoque datae per hypoth. ergo triangula GHI , ghi , etiam dantur. Data itaque lege refractionis binorum radiorum diverse refrangibiliū, dabitur inde angulus

lus refringens prismatis, una cum positione eorumdem radiorum, ut emergentes fiant communi radio incidenti paralleli. Hinc nulla lex constans, radiorum heterogeneorum est possibilis, quæ experimen-*to Newtoni* satisfaciat, quin potius pro vario an-*gulo prismatis refringente, variæ quoque require-*
rantur leges, ad producendum radiorum emergen-
tium parallelismum cum incidenti. Quapropter ex-*perimentum Newtonianum minime sibi constare po-*
test, nisi supponatur id institutum fuisse cum pris-
mate cuius angulus refringens erat admodum exi-
guus; in quo casu MG ad Ml (Fig. 3.) foret quam
proxime in data ratione: id quod Illustriss. KLIN-
GENSTJERNA ultimo submonuit.

§ V.

Hæc inventa *Klingenfjerniana*, commu-
nicabantur cum Celebrissimo Geometra CLAIRAUT;
qui ea Actis Academiæ Scientiarum Parisiensis inseren-
da curavit; nec non cum Cl. DOLLOND, qui
inde ansam nactus est summa cum exactitudine re-
*petendi experimentum Newtonianum, de cuius falsi-
tate etiam a posteriori convictus, experimenta cum
vitrīs instituenda agrestus est; quibus institutis feli-
citer detexit, dari vitra, quæ potentia radios hete-
rogeneos dissipandi plurimum differunt, quamvis æ-
qualibus fere refringendi viribus gaudeant; quo præ-
claro invento & praxin & Theoriam Dioptrices in-
signiter auxit. Nam hinc emendationem Tuborum
Dio-*

Dioptricorum felici cum successu suscepit sagacissimus Vir, modumque corrigendi aberrationes ex dissipatione radiorum heterogeneorum oriundas derivavit, componendo ita vitrum objectivum ex duabus lentibus, ut effectus ipsarum in dissipandis radiis destruerentur. Discimus quoque hinc proportiones refractionum radiorum heterogeneorum nullatenus a se invicem pendere; adeoque frustra quæri regulam, qua ex data refractione alicujus radii in quovis medio inveniuntur refractiones reliquorum diversi generis radiorum in eodem medio. Et quamvis inventa hæc *Dollondiana* allatis principiis NEWTONI evidentissime refragentur; *Klingenstjernianam* vero demonstrationem mirum in modum confirmant; nihilominus tamen Celeberrimus D' ALEMBERT suspicabatur errores quosdam in hanc demonstrationem irrepsisse, quos sibi, visus est etjam detexisse, minus ponderatis argumentis in ista occurrentibus;

§. VI.

Duo imprimis sunt momentan in quibus Illustrum KLINGENSTJERNA hallucinatum esse contendit Cel. D' ALEMBERT: scilicet 1:0 contendit istam demonstrationem involvere hanc suppositionem, quod si

$$\frac{\frac{I}{m} - I}{\frac{I}{m'} - I} = \frac{\frac{I}{M} - I}{\frac{I}{M'} - I} = \alpha, \text{ foret quoque } \frac{\frac{m}{M} - I}{\frac{m'}{M'} - I} = \alpha,$$

quæ tamen conclusio minime valet: designantibus

bus m & M rationem refractionis ejusdem radii in binis diversis mediis; nec non m' & M' rationem refractionis radii diversæ refrangibilitatis in iisdem mediis. 2:o Contendit illustrum KLINGENSTJERNA in eo errasse, quod asseruerit legem refractionis Newtoni convenire cum ipsius experimento, quoties fuerint refractiones admodum parvæ, prout istæ habentur in casu, quo angulus prismatis refringens sit valde exiguus. Existimat enim D' ALEMBERT istam convenientiam in eo duntaxat casu obtineri, quo m & M perparum differunt ab unitate.

Atque hæc sunt palmaria momenta, quæ Cel. D' ALEMBERT, contra demonstrationem *Klingenstjernianam* in *Opusc. Math.* T. III. pag. 359. monuit; & quæ ulterius in *Opusc. Math.* T. V. p. 469. seqq. monenda duxit, subjuncta hac clausula: A l'^e occasion de ces nouvelles remarques sur la preten-^e due demonstration de Monsieur KLINGENSTJER-^e NA; je ne puis m' empêcher de temoigner quelque^e surprise de ce que cette demonstration déjà suffi-^e samment réfutée dans le troisième volume de mes^e *Opuscules*, a cependant encore été adoptée depuis^e dans les *Additions à la traduction de l' Optique de Smith* (Avign. 1767. pag. 425).

§. VII.

Hac censura commotus Celebris Upsaliensium Mathematicus MALLET, D' Alembertianas obser-
B tiones

tiones sibi refellendas & disquisitionem *Klingenstjernianam* illustrandam sumvit; id quod pro more suo solide præstitit in *Actis Reg. Acad. Scient. Stockh.* anni 1771. pag. 138. seqq; unde nos quoque defumus præcipua momenta, quæ ad rem pertinent. Primum itaque observamus, quod Illustriss KLIN-GENSTJERNA accommodaverit suam solutionem ad experimentum *Newtonianum*, in quo medium a parte anteriori prismatis sive in L erat aër, in G vitrum, atque ad partem posteriorem prismatis in W erat aqua; adeo ut medium G fuerit densissimum, mediumque in W densius isto in L (Fig. 1.); quare posito $\sin. ABa : \sin. aBC :: m : 1$, & $\sin. BCb : \sin. BCD :: 1 : M$; erit in Fig. 2. $TM : TG :: m : 1$; nec non $TM : TI :: M : 1$; datæ itaque sunt rectæ TM, TI & TG per datas radiorum luminis in hisce mediis refractiones; quapropter Problema pendet a magnitudine anguli prismatis refringentis. Sequitur enim ex ipsa constructione §. II. quod hic angulus prismatis non erit major, quam ut segmentum circuli GHI, in quo idem angulus continetur, occurrat circulo, ex centro T radio TM descripto: si hic occursus fiat in binis punctis, e. g. in H. & K (Fig. 2.) erit problema possibile in binis casibus: i. e. bini dantur casus quibus radius emergens CD fiat parallelus ipsi AB (Fig. 1.), quorum unus est, dum ang. $ABa = \text{ang. } HGI$; alter vero casus dum ang. $ABa = \text{ang. } KGI$.

Si segmentum GHI in unico duntaxat punto occurrat circulo

circulo MHK unicus quoque adest casus quo CD fiat parallelus ipsi AB, nempe dum ang. α BA \equiv ang. HGI. (Fig. 5.)

At si segmentum GHI intra circulum MHK ceciderit; Problema erit impossibile; vel, quod idem est, nullus dabitur casus, quo radius emergens CD fiat parallelus incidenti AB.

Hinc manifestum est angulum segmenti circularis GHI, quod tangit circulum MHK, esse limitem, quem angulus prismatis refringens excedere non debet, si modo radius emergens CD erit ipsi AB parallelus. Ad hunc autem limitem definendum; Celeberr. MALLET problema proposuit solvitque, cuius nos aliam dabimus solutionem.

§. VIII.

Datis lineis TG, TI, TM, circulum per puncta G & I describere, qui circulum MHK contingat.

Ducatur ex G recta GO \equiv TM \leftarrow TG, angulum quemcunque faciens cum recta GP; & ab ista absindatur ON \equiv IM (Fig. 5.); atque jungantur puncta M & N recta MN; nec non ex O agatur recta OP ipsi MN parallela; quo facto a punto P ducatur recta PH, quæ circulum MHK contingat in punto quodam H: si itaque circulus describatur per G, I & H, contingat hic circulus circulum

MHK in puncto H. Nam ob ($GO =$) $TM + TG$
 $: GP :: (NO =) IM : MP$ (per constr.), habetur
 $IM \cdot GP = IP + MP$. $GP = TM + TG$. $MP =$
quare $GP \cdot IP = TM + TG + GP \cdot MP =$
 $2 TM + MP$. MP ; sed $2 TM + MP \cdot MP =$
 PH^2 (Pr. 36. L. Et. Eucl.), ergo $GP \cdot IP = PH^2$,
& consequenter circulus GIH continget circulum
MHK in punto H.

Cor. 1. Si angulus prismatis refringens fuerit
major angulo GHI (Fig. 5.) circulus GIH cadet
intra circulum MHK, & problema erit impossibile;
i. e. radius emergens CD non potest fieri parallelus
incidenti AB.

Cor. 2. Quo minor fuerit angulus prismatis re-
fringens GHI, iisdem manentibus TM, TI, TG;
eo major evadet circulus GIH, punctumque H eo
propius accedet ad punctum M; & consequenter
eo minor erit angulus incidentiae seu angulus HGI.
Quapropter, si ang. GHI evanescat fiet circulus GIH
infinite magnus, atque punctum H coincidet cum
puncto M; & consequenter angulus incidentiae =
HGI quoque evanescet.

§. IX.

Hisce positis, dispiciendum erit, quo jure ob-
servaciones Celeberr. D' ALEMBERT sint factæ:
Quod

Quod itaque ad primum momentum (§. VI.) attinet, constructionem *Klingeustjernianam*, quæ in §. III. comparet, accommodabimus ad expressiones analyticas D' Alembertiavas, ut falsitas conclusionis ipsius eo clarius patescat. Fiat proinde in Fig. 3.

$TM : TG :: m : I :: I : \frac{1}{m}$; & $TM : TI :: M : I :: I : \frac{1}{M}$; atque $TM : Tg :: m' : I :: I : \frac{1}{m'}$
 nec non $TM : Ti :: M' : I :: I : \frac{1}{M'}$. Ex prima analogia habetur $GM : TM :: \frac{1}{m} - I : I$; unde $TM = \frac{GM}{\frac{1}{m} - I}$. Et simili supputatione facta per reliquas analogias prodibunt æquationes

$$\frac{GM}{\frac{1}{m} - I} = \frac{IM}{\frac{1}{M} - I} =$$

$$\frac{gm}{\frac{1}{m'} - I} = \frac{im}{\frac{1}{M'} - I}; \text{ atque hinc } \frac{GM}{gm} = \frac{IM}{im} = \frac{\frac{1}{m} - I}{\frac{1}{m'} - I}$$

$$= \frac{\frac{1}{M} - I}{\frac{1}{M'} - I} = a, \text{ quæ est prior D' ALEMBERTI formula.}$$

Ut obtineatur posterior ista in lineis quoque
 B 3 ax.

expressa, sequentes ex iisdem analogiis deducuntur
æquationes; nempe $m \cdot TG = M \cdot TI$; $m' \cdot Tg = M' \cdot Ti$;
quarum prior dat $TI : TG :: m : M :: \frac{m}{M} : 1$;
unde $GI : TG :: \frac{m}{M} - 1 : 1$; vel $\frac{GI}{TG} = \frac{m}{M} - 1$.
Et posterior $\frac{gi}{Tg} = \frac{m'}{M'} - 1$; quare $\frac{GI}{TG} \times \frac{Tg}{gi} = \frac{m}{M} - 1$
 $\frac{m}{m'} - 1$ $= a$, quæ est altera expressio, quæque ad de-






monstrationem *Klingenstjernianam*, ut D' ALEM-
BERT contendit, statuenda foret, æqualis priori
formulæ: i. e. $\frac{GM}{gm} = \frac{GI}{TG} \times \frac{Tg}{gi}$ quare $GM : gm ::$
 $\frac{GI}{TG} : \frac{gi}{Tg}$; sed per legem *Newtonianam* est $GI : gi$
 $:: GM : gm$; adeoque $GM : gm :: \frac{GM}{TG} : \frac{gm}{Tg}$; ergo foret
 $\frac{1}{TG} = \frac{1}{Tg}$, seu $TG = Tg$; quod est absurdum &
contra *Klingenstjernianam* constructionem; quapro-
pter corruit hæc Cel. D' ALEMBERTI observatio.

§. X.

Quod Celeberr. D' ALEMBERT secundo anim-
adver-

advertisit, id quoque facile refellitur per Cor. 2. §. VIII. ubi ostensum est punctum H eo propius accedere ad M (Fig. 2.) quo minor evadit angulus restringens BFC = GHI; quo ipso etiam HGI & HIM magis magisque minuantur, propiusque ad aequalitatem tam inter se, quam cum GHI accedunt, adeo ut prorsus evanescant evanescente ang. GHI, seu coincidente punto H cum M : i. e. FC erit parallela ipsi FB (Fig. 1.) atque radius incident AB debet esse perpendicularis ad FB, si modo radius emergens CD fuerit parallelus ipsi AB. Patet itaque hinc veritas asserti *Klingenstjerniani*: nimur rationes GM : IM & gm : im (Fig. 3.) eo magis ad aequalitatem accedere, quo minor ang GHI evadit.

De cetero reticendum non est, defensionem demonstrationis *Klingenstjernianæ*, quam Celeb. MALLET suscepit & perfecit, nec non cum Celeberr. D' ALEMBERT communicavit, magnum hunc Mathematicum nimirū præcipitantiæ convicisse: id quod per litteras *In Actis Reg. Acad. Scient. Stockh. An. 1772. p. 66.* Celeberr. MALLET hunc in modum significavit: "J'ai enfin trouvé un moment pour examiner de nouveau le Theoreme de feu Mieur KLINGENSTJERNA, & j'ai reconnu, qu'en effet ce Theoreme n'entraîne pas la supposition que je croyois; Mais malgré cela le Theoreme ne m'en paraît pas plus concluant. Il seroit trop long & trop fatiguant pour moi de Vous en dire la raison j'ai fait la dessus un Memoire, que je don-



"donnerai a l' Academie, & ou je m' explique plus
"au long sur ce sujet.

Nova itaque dubia Celeberr. D' ALEMBERT
molitur contra demonstrationem *Klingenstjernianam*,
quæ novam differendi materiam dabunt. In-
terea manum de tabula.

In Fig. 4. loco *i* lege G & loco G lege *i*.

